

საყოველთაო ჯანმრთელობის დაცვის სახელმწიფო პროგრამის მედიკამენტებით უზრუნველყოფის კომპონენტის (დანართი N1.9) ბენეფიციარების რეგისტრაციის წესი და პირობები

1. „საყოველთაო ჯანმრთელობის დაცვის სახელმწიფო პროგრამის მედიკამენტებით უზრუნველყოფის კომპონენტით“ (დანართი N1.9) ბენეფიციარების რეგისტრაციის წესი და პირობები“ (შემდგომში-პირობები) მომზადებულია „საყოველთაო ჯანდაცვაზე გადასვლის მიზნით გასატარებელ ზოგიერთ ღონისძიებათა შესახებ“ საქართველოს მთავრობის 2013 წლის 21 თებერვლის N36 დადგენილების (შემდგომში-დადგენილება) N1.9 დანართის მე-7 პუნქტის შესაბამისად და განსაზღვრავს საყოველთაო ჯანმრთელობის დაცვის სახელმწიფო პროგრამის (შემდგომში-პროგრამა) მედიკამენტებით უზრუნველყოფის კომპონენტის ბენეფიციარების რეგისტრაციის წესსა და პირობებს.

2. მედიკამენტებით უზრუნველყოფის კომპონენტით სარგებლობა, დადგენილების N1.9 დანართის პირველი პუნქტის შესაბამისად, შეუძლიათ ქვემოთ ჩამოთვლილ მოსარგებლებს:

ა) სოციალურად დაუცველი პირები, (რომელთა სარეიტინგო ქულა არ აღემატება 100 000 (ასი ათასი) ერთეულს);

ბ) საპენსიო ასაკის მოსახლეობა (ქალი – 60 წლიდან, მამაკაცი – 65 წლიდან);

გ) შეზღუდული შესაძლებლობის სტატუსის მქონე პირი (შშმ ბავშვები, მკვეთრად ან მნიშვნელოვნად გამოხატული შეზღუდული შესაძლებლობის სტატუსის მქონე პირები);

დ) ვეტერანი;

ე) პარკინსონით დაავადებული საქართველოს მოქალაქეები;

ვ) ეპილევსიით დაავადებული საქართველოს მოქალაქეები;

ზ) 0-5 წლამდე ასაკის ბავშვები და 0-დან 5 წლამდე ასაკის შშმ ბავშვები; (ანტიბაქტერიული სამკურნალო საშუალებებით უზრუნველყოფა);

თ) გორის, ხაშურის, კასპის, ქარელის, დუშეთის, ონის, საჩხერის, ზუგდიდის, მესტიის, წალენჯიხის მუნიციპალიტეტებში საქართველოს ოკუპირებულ ტერიტორიებთან, გამყოფი ხაზის მიმდებარე სოფლებში მცხოვრები მოსახლეობა.

3. მედიკამენტებით უზრუნველყოფის კომპონენტის ანაზღაურება, სახელმწიფოს მხრიდან ხორციელდება დადგენილების N1.9. დანართის შესაბამისად, შემდეგი პირობებით:

ა) სოციალურად დაუცველი პირები, (რომელთა სარეიტინგო ქულა არ აღემატება 100 000 (ასი ათასი) ერთეულს), საპენსიო ასაკის მოსახლეობა (ქალი - 60 წლიდან, მამაკაცი - 65 წლიდან), ვეტერანი და შეზღუდული შესაძლებლობის სტატუსის მქონე ბავშვები, აგრეთვე მკვეთრად

ან მნიშვნელოვნად გამოხატული შეზღუდული შესაძლებლობის სტატუსის მქონე პირები; გორის, ხაშურის, კასპის, ქარელის, დუშეთის, ონის, საჩხერის, ზუგდიდის, მესტიის, წალენჯიხის მუნიციპალიტეტებში საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები მოსახლეობა მედიკამენტების შეძენისას ისარგებლებენ წლიური ლიმიტის ფარგლებში მედიკამენტის ღირებულების 100 % -ის დაფინანსებით;

ბ) ეპილევსიით და პარკინსონით დაავადებული საქართველოს მოქალაქეები მედიკამენტების შეძენისას ისარგებლებენ წლიური ლიმიტის ფარგლებში, მედიკამენტის ღირებულების 75%-იანი თანაგადახდით;

გ) 0-5 წლამდე ბავშვები - წლიური ლიმიტი - 50 ლარის ფარგლებში 50 %-იანი თანაგადახდით;

დ) 0-5 წლამდე შშმ ბავშვები - წლიური ლიმიტი - 100 ლარის ფარგლებში 50 % -იანი თანაგადახდით.

4. ბენეფიციართა რეგისტრაცია მედიკამენტებით უზრუნველყოფის კომპონენტში უნდა განახორციელდეს ექიმის მიერ, ელექტრონული რეცეპტის სისტემაში ელექტრონული რეცეპტის შექმნის გზით, შემდეგი თანმიმდევრობით:

ა) ექიმის მიერ ელექტრონული რეცეპტის მოდულში, ხდება პაციენტის პირადი ნომრით იდენტიფიცირება;

ბ) შემდეგ ხდება პროგრამულად გაწერილი დაავადებათა ჯგუფების (გულ-სისხლძარღვთა ქრონიკული დაავადებები, ფილტვის ქრონიკული დაავადებები, დიაბეტი (ტიპი 2), ფარისებრი ჯირკვლის ქრონიკული დაავადებები, პარკინსონი, ეპილევსია, ანტიბაქტერიული მედიკამენტები) და ICD10 კოდის არჩევა;

გ) ფიქსირდება მედიკამენტი;

დ) იქმნება ელექტრონული რეცეპტი, რომელიც ასევე ელექტრონულად აისახება ფარმაცევტულ დაწესებულებაში.

5. ბენეფიციარს შეუძლია ერთ ჯერზე მიიღოს მხოლოდ 3 (სამი) თვის სამყოფი მედიკამენტი.